



Synfocity = 1015

mail us at : mzsynfo@gmail.com; mizoramsynod@gmail.com - Phone - 2314648

December 19, 2025

□ Synod Inkhawmpui tuang taka neih a ni

Mizoram Presbyterian Kohhran rorelna sang ber Synod Inkhawmpui vawi 102-na chu December 9-14, 2025 chhung khan Zarkawt Kohhran Biak Inah neih a ni a, ni 10-13 chhung khan Rorel a ni a, zan lamah vantlang Pathian Biak inkhawm neih thin a ni. December 14 (Pathianni) Chawhmaah Pastor 20 nemngheh niin Pro. Pastor atan mi 19 ruat a ni a, Pastor pension mi 10 hnenah ngaihhraina thuziak hlan an ni a, chawhnu inkhawmah Synod Moderator Rev. John Raldosanga'n Lalpa Zanriah Sakramen a theh a, Minister chatuan ram pan mi pasarih sunna hun hman a ni a, zan inkhawmah Moderator valedictory sermon ngaihthlak a ni bawk.

Rorel inkhawm tan ni, December 10-ah Moderator kal chhuak Rev. R.C. Lalngakliana'n Moderator thar, Rev. John Raldosanga hnenah Moderator mawhphurhna a hlan a, rorel tan nghal a ni. Synod Inkhawmpuiah hian palai 2109 an kal a ni.

Kum 2026-a Pastoral Ministry thupui atan 'Thlarau leh tih tak zeta Pathian biak' Johana 4:24 chu thlan a ni a, Pastor Bial thar pasarih - Salem Veng Bial, Falkland Bial, Champhai Zotlang Bial, Dolchhora Bial, Koreng Bial, Ranchi Bial leh Masihi Sangati Serchhip Bial te hawn tura pawm a ni.

Nepal Mission Field chhunga Tarahara Bial station chu Salakpur-ah sawn niin, bial hming pawh Salakpur Pastor Bial tia thlak a ni a. Odisha Mission Field chhunga Adava Pastor Bial thut hmun chu Duringuda-ah sawn a ni a, Duringuda Pastor Bial tia hming thlak a ni bawk. Bangalore North Mizo Presbyterian Kohhran chu bial thut hmun atan pawm a ni.

Inchhiarna tlangpui:

Presbytery	48
Pastor Bial	310
Kohhran	1,185
Kohhran member	6,46,891
Mitthi	4,421
Nau piang zat	7,647

Kum 2026 Synod Inkhawmpui Puipa turte chu:

Moderator	: Rev. R. Lalrinsanga
Secretary (Sr.)	: Rev. B. Zohmangaiha
Secretary (Jr.)	: Upa C. Lalduhawma
Finance Officers	: Rev. Dr. K. Lallawmzuala Rev. Vanlalzuata
Statistician	: Rev. Lalsangmuana
Senior Exe. Secretary	: Rev. V.L. Luaia Hranleh
Exe. Secretary	: Rev. Dr. Rosiamliana Tochwang

Kum 2026 Synod Inkhawmpui chu Chanmari Bialin Chanmari Kohhranah a thleng dawn a ni.

□ Mizoram Cristian College (MCC)

December 1-20, 2025 chhung hian Mizoram Christian College-a BBA 5th Semester zirlaite chuan Chennai-ah Industrial Tour neiin hun an hmang a. December 1 (Thawhtanni)-ah chhuakin December 4 zingah Chennai an thleng a ni. Industrial Tour-ah hian zirlai 17 leh zirtirtu pahnih (Dr. Ramnunmawia Pachuau leh H. Malsawmzuali) te an kal. Chennai-ah hian Madras Christian College-in hneh takin an lo thleng a. December 4 khan Madras Christian College campus fan kualpui an ni a, December 7 khan Chaplain-ten an sawm angin an inkhawmnaah telpuiin zaipawl an nei a, tlai lamah Northeast Christian Fellowship-in Charity Concert an neihah Guest Artist anga hun hmangin zaipawl tha tak an nei bawk. Industrial Tour-ah hian Madras leh a chhehvela Industry hrang hrangte an tlawh bakah Pondicherry University an tlawh bawk.

❑ **KTP**

KTP Rorel inkhawm vawi 11-nain a lo rel tawh angin Branch hrang hrangin Synod Hospital Charity Fund puala tum khat inkhawm thawhlawm an lakkhawm ₹ 12,40,355/- chu December 5, 2025 (Zirtawpni) khan Central KTP hruaituten Synod Hospital Director hnenah an hlan a, hemi rual hian Vairengte Bial KTP ten Synod Hospital tana an pek ₹ 5,000/- leh Central KTP-in kum tina a pek thin, Grace Home Cook hlauh tur ₹ 96,000/- chu an hlan nghal bawk.

❑ **Kristian Film insiamsiak 2025 Result puan a ni**

December 18, 2025 (Ningani) zan dar 7 khan Youth Recreation Centre (YRC), Falkland-ah Synfo leh Central KTP buatsaih Kristian Film Insiamsiak 2025 (Ruihhlo dona kawng lam hawi) result puan leh lawmman sem a ni a, lawmman pakhatna dawngtu chu Thingsulthliah Kohhran (Khaidiat) a ni.

Programme-ah hian Rev. Dr. Rosiamliana Tochwawng, Executive Secretary-in hunserh a hmang a. Pu Lalniliana, Coordinator, Synfo-in Report pein inhmelhriattirna a nei a, Judge aiawhin Upa Johny Lalawmpuia'n thu a sawi a, Armed Veng Branch KTP-in Faklam an en tir a, Mizoram Synod Choir te an zai bawk. Hemi hunah hian lawmman pakhatna Khaidiat film chu en ho a ni bawk. Programme hi NI. H. Lalrinpuii, Tuikual Branch KTP-in a host a ni.

Lawmman dawngtute chu:

1. Thingsulthliah Kohhran - Khaidiat
2. Champhai Vengthlang Kohhran - Zan khat
3. Mission Veng Kohhran - Mama Hringnun Diary

Best Actor - F. Zosangliana, Champhai Vengthlang

Best Actress - Mimi C. Rinpuii, Mission Veng

Best Supporting Actor - P.C. Vanlalrinpuii, Zemabaw

Best Supporting Actress - Jubilee Ramthianglimi, Champhai Venglai

Lawmman Pakhatna hian Rs. 1,00,000, Pahnihna Rs. 70,000, Pathumna Rs. 60,000 leh Citation an dawng a ni. Heng bakah hian Kohhran pasarihin Consolation Prize Rs. 10,000 theuh an dawng a, intihsiaika tel zawng zawngten Memento an dawng vek bawk. Kristian Film insiamsiakah hian kohhran 25 an tel a ni.

Kristian Film hrang hrangte hi Synfo Youtube Channel - Synod Information-ah dah vek a ni a, a duh tan en theih a ni ang.

❑ **Synod Relief Fund**

Tun hnaia harsatna hrang hrang tawkte hnenah Synod Relief Fund atangin hetiang hian chhawmdawlina pek a ni.

S.No	Khua/Veng	Pek chhan	Chhungkaw zat	Pek zat
1.	Phullen & Thanglailung	Damlo	10	₹ 1,00,000/-
2.	Kawrtethawveng & Kawrtethawveng South	Damlo	4	₹ 40,000/-
3.	Zemabaw North	Damlo	4	₹ 40,000/-
4.	Tuirial	Khawsak harsa	3	₹ 30,000/-
5.	Hrianghmun	Damlo	1	₹ 10,000/-
6.	Teikhang	Damlo	1	₹ 10,000/-
7.	ITI Veng	Damlo	1	₹ 10,000/-
8.	Sairang Dinthar	Damlo	1	₹ 10,000/-
9.	Chaltlang	Khawsak harsa	1	₹ 10,000/-
10.	Assam Rifles Kohhran	Khawsak harsa	1	₹ 10,000/-
11.	Lungleng I	Damlo	1	₹ 10,000/-
12.	Khawlian	Damlo	1	₹ 10,000/-
13.	East Phaileng	Damlo	1	₹ 10,000/-
14.	Sailutar	Khawsak Harsa	1	₹ 10,000/-
15.	Thenzawl Dinthar	Damlo	1	₹ 10,000/-
16.	Vervek	Damlo	1	₹ 10,000/-
			Belh khawm	₹ 3,30,000/-

❑ **Synod Office**

December 18, 2025 (Ningani) chawhma dar 10:30 khan J.M. Lloyd Hall, Synod Office-ah Synod Office-a thawktu pension-a chhuak tur leh hmun danga insawn turte thlahna hun an hmang a. Tun tumah hian Synod Office-a thawktu pension-a chhuak tur mi pariat leh hmun danga insawn tur mi panga, an vaiin mi 13 an awm a ni.

Programme hi Upa Rochungnunga, Superintendent-in a kaihhruai a, Pu John Lalhruaitluanga, Coordinator-in thlahte chanchin tawi a sawi a, ngaihhraina thilpek leh certificate hlan an ni a, thlahte hnen atangin thusawi tawi ngaihthlak a ni bawk. Thlahte pualin Rev. Lalhleia, Synod Prison Ministry Director-in tawngtaisakna hun a hmang a ni.

Synod Office hi December 20, 2025 (Inrinni) atang hian Krismas chawlh hmangin Office khar tan a ni ang a, January 7, 2026 (Nilaini)-ah hawn tan leh a ni ang.

❑ **Hruaina Eng TV Programme**

19.12.2025 (Zirtawpni) 05:00 pm : Kristian Naupang Pual
20.12.2025 (Inrinni) 05:30 pm : Puitling Sunday School Zirlai
21.12.2025 (Pathianni) 07:00 am : Sermon - Rev. P.B. Mankima
 08:00 am : Weekly round up

❑ **FM Zoawi - Aizawl & Lunglei : Hruaina Eng Radio Programme**

December 19, 2025 (Zirtawpni) @ 7:30 p.m. :

Solo : Liandingpuii - Kan nghah Krismas
Zaipawl : New Chalrang Kohhran Zaipawl - Lal Davida khua Bethlehem
Thusawi : Rev. Dr. K. Lallawmzuala - Krismas thuchah
Solo : Lalhmingthangi Hnamte - Ranthlengah hmun tlawmah
Zaipawl : Leitan Bial Zaipawl - Kumhlui mualliam chung Pathian ruat sa reng hi

MISSIONARY TRAINING COLLEGE (MTC) HRIATTIRNA

Missionary Training College (MTC), Mission Vengthlang-ah Bachelor of Missiology (B.Miss) zir duh tan dil theih a ni leh ta. Dilna Form leh Prospectus hi Rs. 50/- in office hun chungin MTC Office-ah ni 1 October, 2025 atangin lak chhuah theih a ni e. Application Form hi MTC website: <https://www.mtc.edu.in>- ah download theih a ni bawk ang.

Dil thei chin : CI- XII pass chin
 Dilna theh luh hun hnuhnung : Ni 27 February, 2026 (Friday)
 Entrance Test : Ni 10 March, 2026 (Tuesday); 9:30 A.M @ MTC, Mission Vengthlang
 Interview : Ni 12 March, 2026 (Thursday); 10:30 A.M
 @ Committee Room I, Synod Office, Mission Veng

Sd/-

Rev. Dr. C. Lalramchhana
 Principal

Missionary Training College
 Mission Vengthlang

Ph. No. : 9818719321/9612164982

